

四庫全書存目叢書編纂委員會編

齊魯書社

四庫全書存目叢書

史部
第二三冊

責任編輯：孫言誠 賀 偉

ISBN 7-5333-0535-3



Z381/11

四庫全書存目叢書·史部二三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 49.625 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第二三冊目次

史部·別史類

鄭端簡公徵吾錄二卷

〔明〕鄭曉撰
清華大學圖書館藏明嘉靖海鹽夏儒刻本

一

標題詳註史畧補遺大成十卷首一卷（原缺卷九卷十）

〔明〕李紀撰
江西省圖書館藏明刻本

六六

荒史六卷

〔明〕陳士元撰
北京師範大學圖書館藏明萬曆自刻歸雲外集本

二一五

藏書六十八卷（一）

〔明〕李贊撰
北京大學圖書館藏明萬曆二十七年焦竑刻本

二六六

鄭端簡公徵吾錄二卷

〔明〕鄭曉撰

清華大學圖書館藏明嘉靖海鹽夏儒刻本

附《四庫全書總目·徵吾錄二卷》提要



鄭端簡公徵吾錄敘

吾學編者取孔子從周之義蓋士名博古有矣通
今則未也惟吾翁之學能無之翁既輯是編而事
意猶未盡則文川分條析為今言三百四
又即二書撮其大且要者究本末窮源委
錄上下卷但據已然直書而經制籌略昭
如彼行路此其康莊指南矣愚嘗讀蔡中
所獨斷詞義紀述皆無甚異迺傳千數百年未泯
昔人謂賈生通達國體生會其精英以策治安餘
竊從之新書愚竊疑新書非前筆也胡出一人而
撰乎錄叙

鄭端簡公徵吾錄目錄

上卷

孝陵

長陵

獻陵

景陵

裕陵

景皇

茂陵

太陵

康陵

顯陵

仁皇后

恭讓后

懿文太子

懷獻太子

諸王

平漢

平吳

平胡

平蜀

平雲南

下卷

征胡

谷庶人

漢庶人

寧庶人

安化庶人

哈密

兀良哈

平流賊

逆瑾

北虜

齊庶人

目錄終

海源

鄭端簡公徵吾錄上卷

臣海

孝陵

高皇帝濠州鍾離東鄉人本顯頊後封邾子孫去
 邑為朱鍾離之朱世居沛徙句容句容族益大高
 曾累世積仁厚隱約田里宋季大父徙渡淮居泗
 濱父世珍又徙鍾離母陳生四子上最少上
 生赤光滿室里中人皆見朱氏廬有光屬天夜起
 呼朱氏且大起及至無有也舍傍故有二郎神廟
 是夕東北徙百餘步空中聞人言亟徙去朱氏未
 幾母抱兒浴池河嘆曰家貧乏襁褓奈何忽紅
 浮水上母取製之囊上所謂紅羅障是也稍長
 姿貌雄傑志意恢廓獨居沉念人莫能測歲甲申
 年十七值旱飢疫四月喪父不數日喪伯兄又數
 日喪母窘甚鄉人劉繼祖與地始得塋九月入皇
 覺寺逾月僧乏食散遣其徒上西至合肥病甚
 得兩紫衣人解次履衛左右護調甚勤病少差又
 強起行數日至一浮圖下兩紫衣人解去曰爾留
 此待我三日三日後疾大愈兩紫衣人竟不至遂
 歷光固汝潁九三年泗州盜起復還皇覺寺壬辰

春定遠人郭子興稱元帥攻拔濠州皇覺寺焚

上禱于神以攻卜卜出與虞皆曰曰然則從雄而

後昌乎一卜吉又祝曰從雄非易事吾甚恐盍許

我出避兵乎再卜琰躍而立會有故人在郭元帥

所書邀上遂至濠見子興與奇上狀親留

左右稍與之兵時時輒召謀事輒中出戰輒勝子

興益喜已而子興為趙均用彭早住所執上又

能脫子興於難俄中山王李太師從上營中諸

豪傑又皆樂從上乙未遂率眾軍和州會子興

乃自和州起兵渡江克太平諸將奉為大元帥丙

申取集慶改為應天府諸將奉為吳國公癸卯歲

陳友諒甲辰奉為吳王吳元年丁未滅張士誠遣

諸將北取中原吳二年戊申正月四日即皇帝位

建國號曰大明改吳二年為洪武元年是年七月

諸將逐元主北遁改大都路為北平府今京師是

也在位三十一年壽七十一葬孝陵帝本天縱

之資晦迹田里見元政凌夷豪傑並起志為殘虐

天下大亂憫焉傷之不得已起義兵即條法今明

約束務以寧輯為事所至安堵十餘年間盜賊咸

寇平一天下雖曰天命人歸要亦神武不殺之所

致也即位之初制作禮樂修明典章興舉廢墜定

郊祀建學校崇儒術育賢才罷黜異端表章經籍

謹官壺之政嚴宦寺之防杜戚里之謁正神鬼之

號嚴祭祀之典察禋祥推曆數審法度詰兵戎片

侈靡絕遊幸却異味辭祥瑞馭撫四夷恩威浹洽

昧爽臨朝日晏忘食虛心清問從善如流神謀睿

斷昭見萬里上初不識書每退朝暇延接儒士

講論經典又取古帝王嘉言善行書之殿廡出入

省視凡詔誥命令揮筆立就或命侍臣立榻下操

觚授詞混混千言皆淳雅高簡洞達物情戒諭臣

下動引經史諄切懇至聽者感動訓勅子孫臣庶

具有成書足法萬世至於罷獻俘禮亡國尊高年

興孝弟勸農桑蠲逋負旌廉能斥貪酷摧奸佞佑

善良寬仁愛人專務德化三十餘年吏清民安海

內殷富功德文章巍然煥然過古遠矣建文君即

位謚為高皇帝廟號太祖配南郊永樂元

年六月加謚聖神文武欽明啟運俊德成功統

天大孝高皇帝廟號如故嘉靖十七年十一月朔

今皇帝稽古禮文典制大備專廟配天更上尊

號冊曰欽惟我太祖皇帝當夷狄據華之秋實

天地易位之變乃奮揚神武取中國于冠裳滅裂之餘恢闡聖文明王道于綱常淪斁之後掃彌天之虜于宇內經百戰而帝業成翦群雄之亂于四方不十載而天下定得國之正視商周而功烈有光受命維新比虞夏而艱難事倍殆與闢乾坤於混沌肇人紀於極榛同一揆也若夫制禮作樂經文緯武仁恩溥於萬類教化行於四海躬帝王之

徵吾錄

不卷

四

可名言茲者不量顓蒙敢效摹擬謹恭奉冊寶加
上尊號曰 太祖開天行道肇紀立極大聖至神
仁文義武俊德成功高皇帝宋濂曰帝有度越前
聖六事功高萬古也得國之正也獨稟全智也敬
天勤民也家法之嚴也兵政有統也謝鐸曰我朝
度越歷代五事一攘夷狄以收復諸夏二肇基
南服而統一天下三威加勝國而鋒刃不交四躬
自創業而臨御最久五申明祖訓而家法最嚴

長陵

成祖 太祖第四子母 高皇后庚子四月生於

建康 后五子長 懿文太子標次秦王模次晉
王橐次 上次周王橐 上聰明仁孝勤學好問
經史一覽終身弗忘通天文地志外家語日從名
儒講論虛已納善意豁如也洪武三年四月乙丑
封燕王國北平十三年二月壬寅之國 上貌奇
偉美髭髯有相工見 上退語人曰龍顏天表鳳
姿日章重瞳隆準太平天子也在藩任賢使能磊
落落好奇之士皆樂為用時奉命出塞征胡料敵
制勝信賞必罰二十三年獲名王酋長八畜數萬
威振朔漠虜不敢近塞問民疾苦力行節儉上下

徵吾錄

不卷

五

咸和年穀屢豐商旅野宿道不拾遺人無爭訟
懿文太子卒 太祖頗欲立 上為太子問 高
后高后曰幸無洩又密問侍臣曰太子卒皇孫弱
未更事朕欲立燕王儲位可乎翰林學士劉三吾
曰立燕王置秦晉二王何地且皇孫尚富春秋
皇上朝夕訓教徐俟其成可也又頓首曰大統立
嫡嫡子喪立嫡孫禮也 太祖默然始立允炆為
皇太孫是為建文皇帝建文元年七月癸酉 上
起兵靖難四年六月乙丑入京師建文遜位去已
已謁孝陵詔改明年為永樂元年革除建文紀年

仍稱洪武以故洪武有三十五年 上在位二十三年永樂二十二年征胡七月崩于榆木川壽六十有五尊謚 體天知道高明廣運聖武神功純仁至孝文皇帝廟號 太宗莖長陵嘉靖十七年九月十一日更 上謚號冊曰恭惟皇祖文皇帝躬英聖之資抱神睿之略文章煥然而可述功烈巍乎以有成當眷顧維新之命遭艱難未造之家將周公東征之師而定王室則所以成繼述之孝者何其勤還武王鎬京之都而永建帝業則所以成割守之功者何其大表章六經垂範萬世禮徵音錄 不上卷 六樂明備教化大行有經天緯地之文親御六飛威振絕漠四裔君長咸奉職貢有勦亂除兇之武光踐寶祚而二紀之治坐致大平晚付皇儲而萬幾之勤不廢總攬至於敬天勤民右文重道親賢遠佞垂有君師之衆善乃若懋賞輕刑畏災重穀憫農優艾備有帝王之全德此則自載籍之傳未有豐功駿業而可以加茲者也玄孫某忝以支童繼承大德比已恭建特廟用圖百世不遷茲者加上尊號期以配天罔極謹奉冊寶上尊謚曰啓天弘道高明肇運聖武神功純仁至孝文皇帝廟號

成祖 上文武全材寬嚴兼濟規模大條理精密知人善任諶問不行用兵應變機智如神臨事間暇決戰先登大將小校盡識能才隨才指揮各稱任使拊循士卒同其甘苦擒王縛將推心不疑郡縣災傷蠲租賑穀軍機奏報中夜起覽摠攬權綱愛重名爵容受直言屏却祥瑞賁節禮文經略徵塞訓迪子孫一書萬言敦睦宗庶保全功臣收交南罷海運通西域降北胡表章聖經謝絕封禪置內閣儒臣削藩王兵柄海外諸國受命為王者三十餘國長算遠慮徙都北平寔貽孫翼于久大之基也詔封旣寧承祀懿文方黃諸人寬旨開釋尤盛德事矣 七上卷 獻陵 仁宗 成祖長子母 文皇后洪武戊午七月生于鳳陽幼端重沉静言動有經四五歲時宮中聞讀書聲輒喜稍長不好馳射諸奇巧玩好好翰墨冊書日從儒臣問學經義 太祖嘗召泰晉燕周四世子入侍一日令燕世子閱皇城衛卒還奏遲問何後也對曰旦寒甚衛士方食俟食既乃閱以故遲上喜曰善孺子知恤下人乎又令閱奏疏獨

取言及民莫者上曰 太祖輒喜曰兒生長深宮
乃亦知民間有疾苦事乎嘗問曰堯九年水湯七
年旱當時百姓奚所恃對曰恃聖人有恤民之政
耳 太祖又喜稱善文皇靖難世子留北平早慕
繕守備禦敵下已推誠人知效力尤恭順不自專
李景隆圍北平乘城拒敵數令人夜開門斫敵營
敵輒驚亂無幾 文皇兵馳至城中兵亦出夾擊
景隆大敗走時兩郡王高煦從行高燧佐世子居
守內官黃儼以高燧幼鍾愛為奪適計利已使其
黨往來短世子曲譽高燧又謂世子通中朝且據
後子錄 不主卷
北平拒父 文皇問高煦曰爾兄素孝豈宜有此
高煦素弟忌兄遂乘間言兄誠孝順但 太祖
時與太孫善 文皇不應會中朝遣使貽問書世
子世子得書不啓緘立械使并書上 文皇儼允
已密遣人馳至 文皇所言世子與中朝通使者
持書至世子世子藏書甚密不知書中云何言未
既世子械使并書亦至 文皇覽書嘆曰父子至
愛尚譏間况君臣間姦人不吾毀乎 文皇即位
以北平為北京命世子居守而煦先隨兵入京結
二三功臣萬方欲奪嫡 文皇即遣高煦還北平

而令馬京等數人輔世子北平論曰世子朕道長
善事之永樂二年二月召世子及高煦至京師立
世子為皇太子封高煦漢王高燧趙王令中外政
務啓太子大事請上時 文皇入二王巧譖二王
又賂左右奄奚及從征諸大將凡所以中傷 太
子及東宮官者相糾結肆奸巧必欲易 太子太
子危者數矣 文皇以 太子妃有賢德 太孫
又英武故得不廢已而覺二王驕險陵 太子為
惡言稍稍裁抑二王 太子益孝謹時與妃相
對泣 文皇顧益愛 太子巡狩征行必屬 太
子 監國漢趙二王數有罪 文皇輒大怒 太
子必曲解王射成之獄非 太子趙王幾失國漢
王得之國樂安亦 太子力也以故 文皇益知
太子孝友永樂二十一年十一月 太子坐文
華殿審諭士奇曰內侍黃儼江保數造危語天可
欺乎非賴 父皇明聖我安得尚在此語畢泣下
曰吾知盡心子職而已他不暇顧也 太子先後
守兩京聽政從仁厚愛百姓天下咸歸心 太子
二十二年七月 文皇崩遺命 太子即皇帝位
八月丁巳即位詔改明年為洪熙元年五月崩在

位二年尊謚曰敬天體道純誠至德弘文欽武章聖達孝昭皇帝廟號仁宗壽四十八薨獻陵帝天稟純明至性孝友諧諒之言未嘗與辯益恭約順謹又自孚洽二弟驕恣曲意調護或正色訓戒專志愛民始終無間初在東宮清心寡欲被服寬博宛若儒生每詢民間疾苦既即位盡行其志每詔書下萬姓歡呼一遇水旱齋居露禱郡縣飢饉即遣賑貸罷科市已逋責加官俸優軍餉約已裕民恒如不及明乎知人任用不貳廷臣才行高下瞭然緩急器使靡不曲當寸長可用咸所不棄苟犯

徽音錄

不表

十

名義雖小必黜未嘗以愛惡移是非甲乙遷喜怒嚴謹邊備不勤遠略邊將陞解每戒曰民力罷矣慎毋貪功虜至塞驅之而已毋為首禍違命獲功吾所不賞賞功懋德寧過於厚屢勅法司崇寬厚戒深刻然極惡賊吏每戒法司曰賊吏務厲民裕已國家恤民必自去賊吏始重學校嚴薦舉每諭所司用人必求實才授官必責實效樂聞直言多見褒荅間有拂逆無幾悔悟雅志儒術務學問諸經皆通於書尤熟卜筮不用俗占必取正周易反覆卦爻象象之辭及程朱氏說信之甚篤少侍

太祖曉識天象長益探究日官諱避輒見窮詰作臺禁中時自觀察苟有災氛深自省咎恒念祖宗創業艱難每事必問祖法又曰循祖宗之法者當明祖宗之心嘗錄太祖皇陵碑文授諸子俾熟讀又刻真德秀大學衍義賜諸子在儲位二十年天下傾嚮嗣位之後弘施需澤號稱仁廟不亦宜乎

景陵

宣宗 仁宗長子母 孝誠昭皇后建文元年二月生於北平 成祖即位時甫四歲 文后携至

徽音錄

不表

十一

南京間出見群臣儀容儼恪屹如巨人群臣瞻望驚異稍長孝教喜書冊初就學設講席華蓋殿東令太子少師姚廣孝及內閣翰林臣侍講讀已而移講讀武英殿 成祖 仁宗時時臨視智識益廣襟度益弘 成祖嘗勅東宮官曰朕惟令德所成本乎天賦養正之學實弘聖功故有聰明純一之資必有詩書禮樂之教朕嫡長孫孝友英明寬仁大度年未一紀宿夜孜孜日誦萬言心領要義朕嘗試之以事輒能裁決得中斯實宗社之靈福佑基命無窮然宏材之達必由匠石主瓚之成必

假珍磨卿等皆茂簡德藝職輔東宮東宮之子必資無弼宜協心同志輔導于成推廣道德之原開陳帝王之治與我 高皇大經大法凡創業守成之難生民稼穡之事朝夕講論涵養本源恢弘智量國家有無窮之休卿等亦有無窮之聞欽哉永樂七年 上巡北京 皇長孫從令過田家徧覽農具及其衣食病苦之狀又作務本之訓授長孫具言農事勤勞王業艱難曰此帝王切要之道長孫天資明睿讀書一目數行大義瞭然覽必盡卷報記不忘出閣未幾遂能應制作詩賦矢口成文

徵事錄 不表
雅俊奇偉 成祖時時見之喜輒出珍奇賜長孫曰長孫似我八年北征命原古佐長孫留守北京九年立為 皇太孫自是巡狩征胡皆從 成祖崩 仁宗命 太孫出居庸關迎梓宮開平當是時中外危疑 太孫請曰兒去即有封章白事非印識何以防奸偽 仁宗曰善即付東宮小圖書曰 皇考初儲誠久不決幾致內變今與汝圖書儲位即歸汝 仁宗即位立為 皇太子洪熙元年南京地震四月群臣請命諸王及重臣居守 仁宗曰非太子不可壬子發北京五月庚午

仁宗不豫馳書召太子時南京知仁宗上賓群臣不敢言但言戒嚴請整兵衛行或勸 皇太子行從間道曰余適至即還非衆所測竟驛道馳還六月辛丑至良鄉先是 皇太子未至籍籍言高輿有逆謀入心危懼京師戒嚴 皇太子至即諭英國公輔解嚴輔對未可 皇太子曰天下神器非智力所能得况 祖宗有成命孰敢萌邪心耶庚戌即 皇帝位詔改明年為宣德元年在位十有一年宣德十年正月崩尊諡 憲天崇道英明神聖欽文昭武寬仁純孝章皇帝廟號 宣宗景

徵事錄 不表
陵 帝天資英暢豁達大度致孝睦宗思賢求士臨朝蒞政動容成法動恤民隱仁惠孳孳四方每奏水旱蝗災即遣馳視賑貸蠲租聞江南農民困弊屢屢詢察減除田租人非大過曲賜保全慎於用人博咨獨斷方岳郡守不輕付畀看令會舉期在牧民責課公卿警箴玩怠法司覆上刑名常垂寬宥獨懲賊吏削籍戍邊不少假借法行賞近刑先化理或言臣下過失密加詳察如其謗誣疎片言者重則嚴懲用防讒珍間有直言忤旨旋復覺悟獎過加隆嘗謂侍臣曰君臣一體貴在乎協聖

上推心置腹人樂為用若知賢不用用賢復疑上下睽隔惡在其為一體也以故禮散大臣元弼家宰亦嘗易人當是時群賢用百姓相安雖有夷狄盜賊水旱之憂不害其治平也

裕陵

英宗法天立道仁明誠敬昭文憲武至德廣孝睿皇帝 宣宗長子母 孝恭章皇后宣德二年十一月生明年正月立為 皇太子是年三月 宣宗曰母以子貴廢皇后胡氏立孫貴妃為皇后是為 孝恭章皇后宣德十年正月 宣宗遺詔國徵書錄 太上卷 十四

家重務格 皇太后 皇后施行是月癸未即皇帝位改明年為正統元年大赦天下時 孝誠昭后輔育於內三楊弼亮於外海內雍熙晚年王振用事有不麓川之役征夫餉卒動衆百萬東南騷動於是福建鄧茂七浙江葉宗留廣東黃蕭養相率而起僭號攻城殺掠吏民湖貴苗獠兩廣徭獠亦所在聚兵各數十萬正統十四年七月虜酋也先入宣府塞獨石馬營永寧懷來龍門諸守將棄城走遣駙馬都尉井源等四將軍出宣府禦虜是月既望王振導 上親征群臣力諫不聽遂命

邸王居守 上至宣府源遇虜戰敗攷八月甲申上至狼山成國公朱勇西寧侯宋瑛武進伯朱冕遇虜鵠兒嶺戰又敗攷先鋒都督顧興祖戰敗走是日 上至土木壬戌虜使來議和上移營頃之虜乘我大潰車駕遂北狩內閣曹鼎兵部尚書鄭瑄戶部尚書王佐恭順侯吳克忠太寧侯陳璘襄城伯李珍遂安伯陳瑄永順伯薛綬平鄉伯陳懷皆攷英國公張輔亦攷內官喜寧降虜邸王乃即帝位改明年為景太元年七月癸卯遣禮部侍郎李實大理少卿羅綺指揮馬顯與虜使出塞迎徵書錄 上卷 十五

上皇貽書瓦剌可汗賜勅准王太師也先知院阿剌瓦剌可汗脫脫不花遣皮兒馬黑麻貢馬與申遣都御史楊善工部侍郎趙榮指揮王息干戶湯胤勳與虜使出塞迎 上皇實等見 上皇於虜廷定議送 上皇南還辭歸至懷來遇善榮癸亥實及也先使把禿等至京師諸大臣上疏乞迎 上皇丙寅再上疏下廷議丁卯實上言臣至瓦剌將命講和也先定約有成乞迎 上皇亦下廷議是日把禿等還諭也先所言言送還 大駕果出誠心即令楊善等奉迎還京諸大臣又請再遣

實迎 上皇內批侯善還已已善至虜營庚午也
先引善見 上皇八月癸酉 上皇發迤北庚辰
遣太常少卿許彬至宣府奉迎戶科給事中劉福
等言奉迎 上皇禮不宜太薄 上不喜下禮官
議禮官言福本效忠無他勝壬午 上皇至宣府
癸未千戶龔遂榮匿名投書內閣高穀穀傳示文
武大臣石亨王直胡濙等禮科給事中于大言諸
大臣持一帖群立午門傍聚觀議論籍籍散去
乞宣問 上詰諸大臣諸大臣言得帖穀所帖言
上皇出以宗社故非遊政都人聞 上皇且還
徵善錄 上卷 十本
無不踴躍今迎復禮宜厚上亦宜避位懇辭而後
後位否則貽譏萬世內批朕未嘗塞言路穀大臣
胡不告朕大索匿名書者遂榮發憤自白書本出
臣縛下錦衣衛獄門謝兩鎮撫坐千戶末減奏上
從之濬等因言奉迎禮不可簡稍益故儀注請備
法駕候安定門外內批虜詐未可信備禮遠迓輒
中虜計奈何仍具車馬使即 大凡入城宗社奠
安親親尊讓事在朕躬 上皇駕入東安門朕迎
諸門內頓首朕同百官隨至南城便殿 上皇升
座朕行禮百官行禮卿等勿非紛更是日 上皇

駐宣府下罪已勅甲申遣翰林侍讀商輅候 上
皇居庸關 上皇勞輅諭曰朕還京願居閒卿為
朕寫書皇帝知朕意并詔文武群臣丙戌 上皇
至京師自東安門入 上迎拜 上皇吞拜相抱
而哭 上皇入南宮群臣就見而退景泰八年正
月庚辰總兵石亨等及太監吉祥謀請 上復位
稱 皇太后懿旨天子疾大漸殆弗興天位久虛
上皇居南內春秋鼎盛于今八年聖德無虧天意
有在人心所屬頃以奸臣擅謀閤而不聞欲迎立
藩王以承大統將不利於國家亨等其率兵以迎
徵善錄 上卷 十本
上皇壬午夜四更亨等暨群從子弟家兵叩南宮
門請 上皇升輿月華門入奉天殿即皇帝位侍
衛都督范廣禦戰死闕下詔改今年為天順元年
大赦天下天順八年正月十七日帝崩在位二十
二年壽三十八葬裕陵 帝天資英明冲年嗣位
孝敬重聞信任舊臣留心學問不喜玩弄既親政
崇儉恤民夙夜孜孜孜孜蠲租省役每勤詔諭禮祀群
神加俸百官開薦舉嚴考察設提學祀宗儒謹災
青勵風憲輯戚里文武將相宰執侍從臺諫皆務
擇人久任尤憺憺詢民間利病雖嘗北狩本為社

稷非徒巡幸已也復辟之後廢憂啓聖敬天勤民
小心翼翼石曹既誅閔念于岳進賢去邪益加明
慎萬幾精覈號稱治平若乃禮遇 孝莊追謚
恭讓悼念建文友愛 景帝升遐治命定后妃禮
分止殯御狗塋尤盛德事也

景皇

恭仁康定景皇帝 宣宗仲子母吳貴妃 英宗
在東宮極愛弟時時抱弟嬉即位初封郕王年八
歲矣正統十四年七月 英宗出禦虜命郕王居
守坐左順門西面見百官八月 英宗北狩 皇
後錄 上表

太后令郕王監國午門南面坐受朝已已 太后

立 皇長子 見其為 皇太子命郕王佐 太
子廷臣班劾太監王振監國倉卒未及處分廷臣
大哭錦衣指揮馬順黨振叱百官去給事中王竑
等憤粹順撫死且索毛王二長隨二長隨亦振黨
廷中大譁監國起且退兵部侍郎于謙趨上掖監
國曰請殿下坐監國復坐問爾意云何謙進
前密對數語頓首下監國遂白百官前振罪當赤
族予且請 太后行誅順罪亦應誅今擊死勿論
立縛二長隨至令將軍爪擊死廷臣拜謝出遂命

都御史陳鑑籍振家誅振從子錦衣指揮山夷其
族庚午移監國坐奉天門左南面以謙為兵部尚
書從征諸將顧興祖宣府守將楊洪石亨皆下吏
九月丙子太監金英以 太后諭令監國即皇帝
位詔尊 太兄皇帝為 太上皇帝改明年為景
太元年大赦天下翰林侍讀彭時商輅入內閣大
賞百官六軍時虜酋也先貽書恃慢吞書言中國
立 皇帝練兵積粟行當決戰 上召謙議禦虜
方略謙請出洪亨獄中總京營兵以羅通孫祥為
副都御史守居庸關紫荊關勅遣翰林侍講徐理
等十五人兼監察御史分鎮要害糾義旅護京師
外禦胡虜內遏盜賊是月都指揮岳謙至虜營起
居 上皇冬十月也先使人議和還車駕賜也先
金銀綵幣喜寧道也先詔 上皇且送還京虜遂
入塞是月七日至大同九日至廣昌破紫荊關孫
祥走死京師戒嚴謙條上禦虜方略以交趾敗將
故成山侯王通為都督鴻臚卿楊善為副都御史
守京城都督等官孫鏗衛穎范廣張義張軌雷通
等分兵守戰以侍郎江淵給事中王竑葉盛程信
等監其軍謙及亨洪安遠侯柳溥統兵出戰移四

郊人入城令虜所過堅壁清野固守勿與戰官軍
預支通州糧百萬石入都城盡焚都城外積芻十
一日也先至都城掠西北郊謙亨統兵出德勝門
禦虜虜見我師堅不可撼喜寧喊也先邀謙及吏
書王直禮書胡濙等五六大臣出議和索金帛萬
萬計謙力言虜詐不可信以通政司參議王復為
禮部侍郎中書舍人趙榮為鴻臚卿出見上皇
進書勅上皇視漢字書虜視番字勅也先曰爾
皆小官急令胡濙王直于謙石亨楊善來上皇
諭復榮曰彼無善意汝亟歸虜益四出掠焚三
陵殿寢祭器逼宣武門南逾蘆溝橋分掠下邑謙
對壘約戰以上皇在虜中我不敢動已諜知
虜移上皇西我發大砲擊虜虜死砲下無算斬
其酋鐵頭元帥亨及其姪彪誘敗虜于彰義門又
敗虜于清風店也先稍却謀購回達奚漢能擒斬
也先來獻者賞萬金封國公疑虜虜聞我勤王兵
且至宣府大同守將朱謙郭登遏其歸路十六日
也先出居庸伯顏帖木兒奉 上皇出紫荆去十
九日可汗普花即脫脫不花王也遣使貢馬尋和
上不許胡濙王直言普花也先君臣素不睦宜因

以間之上曰善厚賞虜使二十二日洪鍾廣擊
零虜未去者二十五日破虜于固安又破虜于琢
州羅通自居庸關襲破虜召入參贊軍務理院事
以給事中王竑為僉都御史代通是月上皇在
伯顏帖木兒營遣王通守天壽山十一月八日京
師解嚴明日詔天下又明日百官遙拜上皇聖
節于朝天宮十三日洪等班師加謙少保總督軍
務封亨武清伯尋進封侯洪復封昌平伯命洪及
羅通練兵東教場亨西教場十九日勅給事中葉
盛撫民練兵於河南二十三日也先遣使索大臣
徵音錄 上卷
迎 上皇書詞慢勅各遣守將防虜京師戒嚴二
十九日日南至不受朝賀是時三輟三陵祭十二
月上皇在迤北詔尊 皇太后曰 上聖皇太
后生母吳氏為皇太后 皇后為太上皇后居仁
壽宮 皇太子母周貴嬪為 上皇貴妃立妃汪
氏為皇后大赦天下景泰二年廢皇太子封為沂
王立子見濟為 皇太子遂廢皇后汪氏而立見
濟母杭妃為 皇后明年 太子卒謚懷獻景泰
八年正月庚辰 上皇復辟詔改是年為天順元
年廢景泰皇帝仍為郕王二月十九日景王崩十

西宮在位九年壽三十塋西山成化十一年尊謚
為恭仁康定景皇帝 景皇恭儉明達知人善任
使以故能弘濟艱難真安宗社云當是時于謙感
上信任誓死勤國以是成大功亦以是罹奇禍也
內閣陳循彭時商輅執政及方鎮大臣王直金濂
胡濙石璞王翱陳鑑羅通王驥軒軫年富耿九疇
薛瑄韓雍楊信民將帥石亨彪揚洪彬溥郭登朱
謙孫鏜衛穎范廣曹義臺諫王竑葉盛程信鍾同
劉孜練綱

茂陵

徵音錄

卷一

二十三

憲宗繼天凝道誠明仁敬崇文肅武宏德至孝純
皇帝 英宗長子母 存肅皇后

生正統十四年八月 英宗北狩立為

皇太子已而郕王監國即帝位景泰三年五月廢
皇太子封為沂王天順元年復立為 皇太子八
年正月裕陵崩 太子披髮衣素出後右門召諭
內閣李賢陳文彭時吏部王翱及文武執政大臣
曰 父皇賓天爾等宜盡心輔佐予 太子慟哭
群臣皆慟哭良久會昌侯孫繼宗懷寧伯孫鏜尚
書朝賢年富馬昂侍郎文學士時會聚官議處軍

國重事甲戌即 皇帝位詔改明年為成化元年

大赦天下尊 母皇后錢氏為慈懿皇太后 生

母皇貴妃周氏為皇太后時太監夏時欲止尊稱

仁壽宮內閣李賢彭時力爭大義不可 上孝敬

純至始成兩宮大禮詔天下二十三年八月二十

二日崩在位二十四年壽四十塋茂陵 帝仁恕

英明少更多難練達情理臨政蒞人不剛不柔有

張有弛進賢不驟而任之必專遠邪不誣而御之

有法值虜寇數侵邊惟遣將薄伐不務勤兵以竭

我財力虜亦離散內外寧輯荆襄嶺海時有寇竊

徵音錄

卷一

二十三

推轂之際戒勿妄殺或不用命賞罰無行崇尚理
學優封儒賢江淮大侵截漕賑贍星文示變側身
省過臣僚進諫即賜採納時有干忤薄示遣謫旋
蒙率復若乃尊禮 孝莊追尊 景帝保護汪后
褒恤于謙其於愛憎恩怨絕無介蒂粹然於天理
人彝者也以故雖屢有彗孛之災而國家康靖有
由然矣

太陵

孝宗建天明道誠純中正聖文神武至仁大德敬
皇帝 憲宗第二子母 孝穆紀皇后成化六年